

陳氏
藏本

張氏醫通

上海廣益書局
印行

自序

嘗讀仲景書止言舌白胎滑並無黃黑刺裂至金鏡錄始集三十六圖逮後觀舌心法廣至一百三十有七何後世症變之多若此竊知傷寒自表傳裏舌胎必由白滑而變他色不似伏邪瘟疫等熱毒自內達外之一病便見黃黑諸胎也觀仲景論中一見舌白胎滑即言難治安有失治而致變者乎所以仲景止言白胎已見一斑不煩瑣屑後人無先聖治未病之能勢不得不反覆辯論以啟蒙昧蓋邪氣入裏其虛寒寒熱之機必現于舌非若脈法之隱而不顯也況陰盛格陽與邪熱鬱伏多有假症假脈惟驗舌上胎色之滑燥厚薄昭若冰鑑無所遁形由是取觀舌心法正其錯誤削其繁無汰其無預于傷寒者而參入家大人治按所紀及己所親歷共得百二十圖命曰傷寒舌鑑授之剞劂以公同志臨證之一助云

康熙戊申如月誕生張登書于雋永堂

傷寒舌鑑目錄

白胎舌

二十九圖

黃胎舌

一十七圖

黑胎舌

一十四圖

灰色舌

一十一圖

紅色舌

二十六圖

紫色舌

一十二圖

黴醬色胎舌

三圖

藍色胎紋舌

二圖

妊娠傷寒舌

六圖


傷寒舌鑑

長州張 登誕先彙纂

白胎舌總論

傷寒邪在皮毛。初則舌有白沫。次則白涎。白滑。再次白屑。白疱。有舌中舌根之不同。是寒邪入經之微甚也。舌乃心之苗。心屬南方火。當赤色。今反見白色者。是去不盡。制其白。則寒勝皮膚。毛竅不得疏通。熱氣不得外泄。故惡寒發熱。在太陽經。則頭痛身熱。項背強腰脊疼等證。傳至陽明經。則有白屑滿舌。雖證有煩躁。如脉浮緊者。猶當汗之。在少陽經者。則白胎白滑。用小柴胡湯和之。腎虛者。理中湯溫之。如白色少變黃者。大柴胡。大小承氣分輕重下之。白舌亦有死證。不可忽視也。

微白滑胎舌



寒邪初入太陽。頭疼身熱。惡寒。舌色微白。有津。香蘇散。羌活湯之類。發散之。

薄白滑胎舌



此太陽裏症舌也。二三日未曾汗。故邪入丹田。漸深。急宜汗之。或太陽與少陽合病。有此舌者。柴胡桂枝湯主之。

厚白滑胎舌




病三四日。其邪只在太陽。故胎純白而厚。却不乾燥。其症頭疼發熱。脈浮而緊。解表自愈。

乾厚白胎舌



病四五日。未經發汗。邪熱漸深。少有微渴。過飲生冷。停積胸中。營熱胃冷。故令發熱煩躁。四肢逆冷。而胎白乾厚。滿口白屑。宜四逆散加乾姜。

白胎黃心舌



此太陽經初傳陽明府病舌也。若微黃而潤。宜再汗。待胎燥裏症具。則下之。若煩躁嘔吐。大柴胡湯加減。亦有下淡黃水沫。無稀糞者。大承氣下之。

白胎黃邊舌




舌中見白胎。外有微黃者。必作泄。宜用解毒湯。惡寒者五苓散。

乾白胎黑心舌




此陽明府兼太陽舌其胎邊白中心乾黑者因汗不徹傳至陽明所致必微汗出不惡寒脈沉者可下之如二三日未曾汗有此舌必死

白滑胎大灰刺舌



此陽明府兼少陽舌也三四日自利脈長者生弦數者死如有宿食用大承氣下之十可全五

白胎滿黑刺乾舌




白胎中生滿乾黑芒刺乃少陽之裏症也其症不惡寒反惡熱者大柴胡加芒硝急下之然亦危症也

白滑胎黑心舌



白胎中黑為表邪入裏之候大熱譫語承氣等下之倘食復而發熱或利不止者難治

半邊白滑舌




白胎見於一邊無論左右皆屬半表半裏並宜小柴胡湯左加葛根右加茯苓有效嗽引脇下痛而見此舌小青龍湯夏月多汗自利人參白虎湯

藏結白滑舌




或左或右半邊白胎半邊或黑或老黃者寒邪結在藏也黃連湯加附子結在咽者不能語言宜生脈散合四逆湯可救十中一二

白胎黑斑舌




白胎中有黑小斑點亂生者。乃水來尅火如無惡候以涼膈散承氣湯下之十中可救一二

白胎燥裂舌




傷寒胸中有寒丹田有熱所以舌上白胎因過汗傷營舌上無津所以燥裂內無寔熱故不黃黑宜小柴胡加芒硝微利之

白胎黑根舌




舌胎白而根黑火被水尅之象雖下亦難見功也

白胎黃根舌




邪雖入裏而尚未黃不可用承氣宜大柴湯加減下後無他症安卧神清可生倘再有變症多凶

白胎雙黃舌




此陽明裏症舌也黃乃土之色因邪熱上攻致令舌有雙黃如脈長惡熱轉失氣煩躁者大柴胡調胃承氣下之

白胎雙黑舌




白胎中見黑色兩條乃太陽少陽之邪入于胃因土氣衰絕故手足厥冷胸中結痛也理中湯瀉心湯逐用如邪結在舌根咽噎而不能言者死症也


白胎雙灰色舌 白共中紅黑根舌 白胎共紅舌



此夾冷食舌也七八日後見此舌而有津者可治。理中四逆選用無津者不治。如乾厚見裏症則下之得湯次日灰色去者安。




舌共白而根灰黑少陽邪熱傳府熱極而傷冷飲也。如水停津液固結而渴者五苓散自汗而渴者白虎湯下利而渴者解毒湯如黑根多白共少中不甚紅者難治。



滿舌白滑而共却鮮紅者乃熱邪內盛而復感客寒入少陽經也小柴胡湯加減。

白胎中紅舌




此太陽初傳經之舌也無汗者發汗有汗者解肌亦有少陽經者小柴胡湯加減。

白胎變黃舌





少陽症罷初見陽明裏症故胎變黃色兼失氣者大柴胡湯下之。

白共紅根舌



舌共胎白邪在少陽表裏也其症寒熱耳聾口苦脇痛脈弦小柴胡湯和解之。

白胎共根黃舌 白胎共根黑舌 熟白舌



此太陽濕熱併于陽明也如根黃色潤目黃小便黃者茵陳蒿湯加減

舌根共俱黑而中白乃金水太過火土氣絕于內雖無凶症亦必死也


白胎老極如煮熟相似者心氣絕而肺色乘于上也始因食瓜果水水等物陽氣不得發越所致為必死候用枳實理中問有生者

淡白透明舌



年老胃弱雖有風寒不能變熱或多服湯藥傷其胃氣所以淡白透明似胎非胎也宜補中益氣加減治之

白胎如積粉舌



此舌乃瘟疫初犯募原也達原飲見三陽表症隨經加柴胡葛根羌活見裏症加大黃

黃胎舌總論

黃胎者裏症也傷寒初病無此舌傳至少陽經亦無此舌直至陽明府寔胃中火盛大乘土位故有此胎當分輕重瀉之初則微黃次則深黃有滑甚則乾黃焦黃也其症有大熱大渴便秘譫語痞結自利或因失汗發黃或畜血如狂皆濕熱太盛小便不利所致若目白如金身黃如橘宜茵陳蒿湯五苓散梔子漿

皮湯等。如畜血在上焦。犀角地黃湯。中焦桃仁承氣湯。下焦代抵當湯。凡血症見血則愈。切不可與冷水飲之。必死。大抵舌黃症雖重。若脈長者。中土有氣也。下之則安。如脈弦下利。舌胎黃中有黑色者。皆危症也。

純黃微乾舌

黃

舌見黃胎。胃熱之極。土色見于舌端也。急宜調胃承氣下之。遲則恐黃老變黑。為惡候耳。

微黃胎舌

微黃

舌微黃而不甚燥者。表邪失汗而初傳裏也。用大柴胡湯。若身目俱黃者。茵陳蒿湯。

黃乾舌

乾黃


舌見乾黃。裏熱已極。急下勿緩。下後脈靜身涼者生。反大熱而喘。脈躁者死。

黃胎黑滑舌

黑滑

舌黃而有黑滑者。陽明裏症具也。雖不乾燥。亦當下之。下後身涼脈靜者生。大熱脈躁者死。

黃胎黑斑舌




黃胎中亂生黑斑者。其症必大渴譫語。身無斑者。大承氣下之。如脈濇譫語。循衣摸床。身黃斑黑者。俱不治。下出稀黑糞者死。

傷寒舌鑑

黃胎舌總論

黃胎

黃胎中黑通舌




黃胎從中至黑通者乃火土燥而熱毒最深也兩感傷寒必死惡寒甚者亦死如不惡寒口燥咽乾而不利臭水者可用調胃承氣湯下之十中可救四五口乾齒燥形脫者不治

老黃隔辦舌




舌黃乾澇而有隔辦者乃邪熱入胃毒結已深煩躁而渴者大承氣湯發黃者茵陳蒿湯少腹痛者有瘀血也抵當湯結胸大陷胸湯

黃尖舌




舌尖胎黃熱邪初傳胃府也當用調胃承氣湯如脈浮惡寒表症未盡大柴胡兩解之

黃胎灰根舌




舌根灰色而尖黃雖比黑根少輕如再過一二日亦黑也難治無煩躁直視脈沉而有力者大柴胡加減治之

黃尖紅根舌




根紅而尖黃者乃濕熱乘火位也瘟熱初病多有此舌涼膈解毒等藥消息治之

黃尖黑根舌




舌黑根多而黃尖少者雖無惡症惡脈誠恐暴變一時以胃氣竭絕故耳

舌刺黑胎黃




舌胎老黃極而中有黑刺者皆由失汗所致邪毒內陷已深急用調胃承氣下之十中可保一二

舌滿脹大黃




舌黃而脹大者乃陽明胃經濕熱也症必身黃便秘煩躁茵陳蒿湯如大便自利而發黃者五苓散加茵陳梔子黃連等治之

舌根白尖黃



舌根白尖黃其色倒見必是少陽經傳陽明府病若陽明症多者大柴胡湯少陽症多者小柴胡湯如識語煩躁者調胃承氣湯

舌赤白根黃




舌赤白根黃乃表邪少而裏邪多也天水散涼膈散合用如陽明無汗小便不利心中懊惱者必發黃茵陳蒿湯

舌赤根黃



舌乃火位今見根黃赤灰是土來侮火也不吐不利心煩而渴者乃胃中有鬱熱也調胃承氣加黃連

舌縮短尖白根黃



舌見根黃赤白而短硬不燥不滑但不能伸出症多謔妄煩亂此痰挾宿食占據中宮也大承氣加姜辛主之

黃胎 黑胎 舌總論 黑胎

黑胎舌總論

傷寒五七日。舌見黑胎。最為危候。表症皆無此舌。如兩感一二日間。見之必死。若白胎上漸漸中心黑者。是傷寒邪熱傳裏之候。紅舌上漸漸黑者。乃瘟疫傳變壞症將至也。蓋舌色本赤。今見黑者。乃水來尅火。大極似水。火過炭黑之理。然有純黑。有黑暈。有刺。有隔瓣。有瓣底。紅瓣底黑者。大抵共黑。猶輕。根黑最重。如全黑者。總神丹亦難救療也。

純黑舌



遍舌黑胎。是大極似水。藏氣已絕。脈必代結。一二日中必死。切勿用藥。

滿黑刺底紅舌



黑胎瓣底黑舌



黑胎瓣底紅舌




黃胎久而變黑。寔熱亢極之候。又未經服藥。肆意飲食。而見脈伏目閉口開。獨語譫妄。醫遇此症。必掘開舌胎。視瓣底紅者。可用大承氣下之。

凡見瓣底黑者。不可用藥。雖無惡候。脈亦暴絕。必死不治。

滿舌黑胎。乾燥而生大刺。揉之觸手而響。掘開刺底。紅色者。心神尚在。雖火過極。下之可生。有肥盛多濕。熱人感冒發熱。痞脹悶亂。一見此舌。急用大陷胸丸攻下。後與小陷胸湯調理。

刺底黑舌




刺底黑者言刮去芒刺底
下肉色俱黑也凡見此舌
不必辨其何經何脈雖無
惡候必死勿治

黑爛白嚙舌




舌黑爛而頻欲嚙必爛至
根而死雖無惡候怪脈切
勿用藥

中黑邊白滑胎舌



舌見中黑邊白而滑表裏
俱虛寒也脈必微弱症必
畏寒附子理中湯溫之夏
月過食生冷而見此舌則
宜大順冷香選用

紅邊中黑滑舌



舌黑有津症見譫語者必
表症時不曾服藥不戒飲
食冷物結滯于胃也虛人
黃龍湯或枳實理中加大
黃壯寔者用備急丸熱下
之夏月中暈多有此舌以
人參白虎湯主之

通尖黑乾邊白舌




兩感一二日間便見中黑
邊白厚胎者雖用大羌活
湯恐無濟矣

黑邊內微紅舌




舌邊圍黑中有紅暈者乃
邪熱入于心胞之候故有
此色宜涼膈合大承氣下
之

黑中無胎枯瘦舌




傷寒八九日。過汗津枯血燥。舌無胎而黑瘦。大便五六日不行。腹不硬滿。神昏不得臥。或時呢喃歎息者。灸甘草湯。

黑中無胎乾燥舌



舌黑無胎而燥。津液受傷。而虛火用事也。急宜生脈散合附子理中主之。

中焙舌



舌胎中心黑厚而乾。為熱盛津枯之候。急宜生脈散合黃連解毒湯以解之。

黑乾短舌



舌至乾黑而短。厥陰熱極已深。或食填中脘。膜脹所致。急用大劑大承氣下之。可救十中一二。服後糞黃熱退則生。糞黑熱不止者死。


灰色舌總論
灰色舌有陰陽之異。若直中陰經。則即時舌便灰黑。而無積胎。若熱傳三陰。必四五日表症罷。而胎變灰色也。有在根在尖在中者。有渾舌俱灰黑者。大抵傳經熱症。則有灰黑乾胎。皆當攻下泄熱。若直中三陰之灰黑無胎者。即當溫經散寒。又有蓄血症。其人如狂。或瞑目譫語。亦有不狂不語。不知人事。而面黑舌灰者。當分輕重以攻其血。切勿誤與冷水。引領敗血入心。而致不救也。

舌裂紋乾胎黑灰




土邪勝水而舌見灰黑紋裂涼膈調胃皆可下之十中可救二三下後渴不止熱不退者不治

舌中灰




灰色現於中央而消渴氣上衝心飢不欲食食即吐蛇者此熱傳厥陰之候烏梅丸主之

舌灰純




舌灰色無胎者直中三陰而夾冷食也脈必沈細而遲不渴不煩者附子理中四逆湯救之次日舌變灰中有微黃色者生如漸漸灰縮乾黑者死

舌刺乾黑灰



灰黑舌中又有乾刺而見咽乾口燥喘滿乃邪熱結于少陰當下之然必待其轉失氣者方可下若下之早令人小便難

舌暈重色灰




此瘟病熱毒傳遍三陰也熱毒傳內一次舌即灰暈一層毒盛故有重暈最危之症急宜涼膈雙解鮮毒承氣下之一暈尚輕二暈為重三暈必死亦有橫紋二三層者與此重暈不殊

舌赤中灰黃根灰



舌根灰色而中紅黃乃腸胃燥熱之症若大渴譫語五六日不大便秘轉失氣者下之如溫病熱病惡寒脈浮者涼膈雙解選用

舌 尖 黑 灰




已經汗解而見舌尖黑。有宿食未消。或又傷飲食。邪熱復盛之故。調胃承氣湯下之。

舌 刺 乾 尖 黑 灰




舌尖黑。有刺而乾。是得病後。猶加飲食之故。雖症見耳聾脇痛。發熱口苦。不得用小柴胡。必大柴胡。或調胃承氣加消導藥。方可取效。

舌 滑 墨 中 灰




淡淡灰色。中間有滑胎四五點如墨汁。此熱邪傳裏。而中有宿食未化也。大柴胡湯。

舌 少 根 黃 多 黑 灰



舌灰色而根黃。乃熱傳厥陰。而胃中復有停滯也。傷寒六七日不利。便發熱而利。汗出不止者死。正氣脫也。

舌 紫 中 灰 邊



舌邊灰黑而中淡紫。時時自嚙舌尖為爽。乃少陰厥氣逆上。非藥可治。

紅色舌總論

夫紅舌者。伏熱內畜于心胃。自裏而達于表也。仲景云。冬傷於寒。至春變為溫病。至夏變為熱病。故舌紅而赤。又有瘟疫疫癘。一方之內。老幼之病皆同者。舌亦正赤而加積胎也。若更多食。則助熱內蒸。故舌紅面赤。甚者面目俱赤而舌瘡也。然病有輕重。舌有微甚。且見於舌之根。中下左右。瘡蝕脹爛。癰細長短。